



遇僧首廷身日月

民國二十五年一月再版

武侯筆記菁華

此書有著作權

翻印必究

編著者 時希塵

印刷者 大上海印刷所

出版者 上海新民書局

發行者 上海益書局
上海四馬路

分發行所 廣益書局

北平漢口南昌宜昌成都
廣州開封長沙重慶萬縣

經售處全國各大書坊

全一冊定價一元八角



近世談技擊者夥矣。畸人俠女。飛劍翔丸。揆之事實。虛無飄渺。類皆小說家腦中之幻想。腕下之神傳耳。豈足謂信史乎。是篇所記事。非虛構。邑覲園公之技擊軼聞。彰彰於故老齒頰間。予幼時亦習聞之。今是編所記備詳。可以傳矣。海虞襟亞。



目錄

蔣公略傳……………一
餓虎吞羊……………二
輕若飛燕……………三
託天之勢……………四
別有桃源……………五
盡得其祕……………六
拋石成球……………七
小試擒拿……………八
運氣如鐵……………一〇
墜入毛坑……………一一

杯盞入木……………一三
打抱不平……………一四
紅腫如桃……………一五
拍牌入桌……………一六
功虧一篑……………一八
手指劈柴……………一九
丈外取鑰……………二〇
病時情狀……………二一
蔣公論贊……………二二
雲門寺僧……………二三

武俠菁華 · 目錄



龍山禪師·····	二五
峨眉長老·····	二八
獨臂尊者·····	三〇
指月禪師·····	三二
北方俠盜·····	三四
隱俠奪珠·····	四六
硃砂手術·····	五七
黃衣少年·····	六二
鐵指環兒·····	七九
九峯山人·····	九〇
紫虬髻客·····	九九
陸慧娘傳·····	一一一

榜人女子·····	一一七
王蘭英傳·····	一二一
窖中婦人·····	一三八
姊妹峯記·····	一六四
黃面姑娘·····	一八二
飛娘復仇·····	一九二
賣解女郎·····	一九七
義軀撫孤·····	二〇四
周生艷遇·····	二一一
土王三女·····	二一六
廣陵鄒生·····	二二二
俠女青萍·····	二五一



秦綺玉傳	二二六
知非和尚	二五一
狂僧捕盜	二五六
句容俠僧	二五九
大羅和尚	二五二
禪關盜窟	二六六
鐵鉢禪師	二六九
月禪尼姑	二七四

碧霞道姑	二八四
禿禿和尚	三〇七
復仇秘史	三一五
吳門老僧	三二一
盲目道人	三三五
甘風池傳	三六四
白太官傳	三七八



筆記小說

武俠菁華

蔣觀園技擊軼事

蔣公傳略

蔣觀園先生技擊軼事一束。爲海虞瘦竹所寄。此記殆實錄也。茲瘦竹已宿草一年。展覽遺作。爲之泫然。二十年夏希聖記

虞山蔣公鵬倬。字觀園。清文肅公六世孫也。工古文及詩。兼善書法。食餼後。文名噪邑里。然南闈累次不售。孫山名落。乃遊館於維揚某舊家。嘗以詩酒自娛。名心漸灰焉。逾年。友輩復勸之入闈。公乃重掃峨眉。稍稍治時藝文。遂應試。先是。公名鵬舉。因文場不利。更名鵬倬。是年卽獲售。鹿鳴有燕。正儒生吐氣揚眉之日。然公不以是爲喜也。益謹重慎篤。謙恭和讓。與人寡交際。無仕進心。家中簞瓢屢空。晏如也。頻年遊幕四方。聊謀菽水。承父母歡。年不惑。喪父。時母已花甲。事



之甚孝。晚年家毀於火，益中落。而公曠達如故。日與同邑趙非昔、歸天石、沈鈍公等諸名士爲詩酒交。考槃在澗，自樂其樂。可想見其風度矣。年六十三而卒。公子一曰望祀，孫一曰小祀。余友也。嗚呼！公之生平，才行雙舉，孤介拔俗。邑人士多以是稱焉。而抑知公尤有傳者。公少有膂力，精拳術。中年受業於姑蘇崔中軍，乃盡得其祕。凡易筋經、八團錦及鍊氣吐納諸法，無弗精。惟其技不嘗試，驚人之技，幾湮沒無聞。故世人多未之知也。余友嘗談迺祖軼事甚詳，因囑管城子述之如后。

丁巳秋節 海虞瘦竹謹撰

餓虎吞羊

蔣公少時，膂力過人。嘗於元宵節，入邑廟觀燈。斯時也，蓋俗所謂賞燈節也。銀花火樹，萬盞齊明。戲樓上更招樂工，唱崑曲。觀者駢肩，爭



聆妙音。時則有染坊工人數十輩。首列前行。公乘輿排衆入。染工憤之。報以惡聲。公若不聞也。傾軋如放。當者輒避。工人獨不稍讓。且故相傾撞。公見狀。略一側肩。跌者無數。染工怒。羣毆之。公於稠人中。前禦後備。莫能及身。衆奇之。均退。公乃長揚去。然染工輩盛氣自負。未服也。復呼之曰。來。明晚敢於廟中再較力否。公諾。及期。染工輩更邀黨羽百數十人。集廟前。磨拳以待。公隻身自後門入。乘其不備。作餓虎吞羊之勢。直撲其後。所向披靡。中有強者。不稍退。公怒甚。立擒二人。提其足。揮之若槌。當其衝者。咸抱頭奔走。不敢對壘云。

輕若飛燕

一日。蔣公遊金閶。品茗某茶居。地踞橋足。旁河。河中舟楫。往來如織。擁擠異常。蓋交通孔道也。時有大沙船一。遲遲而來。泊橋足。橫斷河。

面阻止往來。適一小舟過。促請讓避。沙人佯爲不聞。舟子以事急告之。亦不聽。遂出聲詈之。沙人怒。持篙狂擊。蠻橫絕倫。是時蔣公目覩情形。心甚不平。從窗躍出。輕若飛燕。立沙船上。開其兩足。用力鼓盪之。船向左右播動。搖搖欲覆。沙人懼。噤不能聲。未幾舟沉矣。蔣一躍登岸。觀者稱快。

託天之勢

小石台在虞山辛峯之下。奇石嵯峨。壁立山足。虞山十八景之一也。某年春。蔣公偕朋輩。瀏覽風景。至小石台憩焉。忽見一石臥草際。形如牛。碩大無朋。重逾千鈞。公撫而奇之。謂一友曰。石重幾何。汝其試之乎。友固有膂力者。不獲辭。攬衣猛力一舉。離地數尺。齊其腹。衆嘉許之。已而公復曰。待某一試。言未既。石已高舉頭上。如託天之勢。神






色不稍動。公之神勇。蓋可知矣。

別有桃源

蔣公性恬淡。常蟄居家中。不問世事。其第宅甚卑陋。不務奢華。家風清儉。無僮僕。無門者。其出也。門無鎖。用鉛絲一粗如巨擘。穿銅環中。搓之若繩。既返。寬而直之。柔軟異常。故公每出遊。家中闕寂無人。宵小不敢顧問也。其起居室中。門亦頗奇。用大竹數竿。兩端釘於檻欂。正中一竿。破其腹。公出入。則兩手分之。立開。身一躍而過。竹旋閉矣。室中圖書滿架。刀劍橫陳。文武雙絕。別有桃源。外人毋敢越雷池一步者。

盡得其秘

蔣公雖生有神勇。自幼斷情慾。寡嗜好。習文之外。兼習武。凡刀槍棍



棒之類。無不攻。然技擊之術。未得真傳。終難窺堂奧也。壯年遊姑蘇。爲王太守羅致幕下。時崔中軍者。耄矣。勇而多能。精技擊術。太守密友也。日頻來。公識之。交漸深。一日談及技擊之術。津津樂道。深露此中玄祕。公躍起曰。吾乃得真師矣。并謙遜如儀。請執弟子禮。崔辭曰。老夫碌碌。一無所長。敢忝居師座乎。且技擊一門。精之不過足以鳴不平。備不虞。不精稍一疏忽。適足以賈禍焉。何取爲。君英才出衆。前程未量。幸勿自誤。徒貽伊戚也。公曰。世路崎嶇。富貴浮雲。願列門牆。幸不我棄。他日春風廣座。時霑雨化。我之大幸也。崔感其誠。於是始首肯。自後公餘之暇。日往中軍衙。講習武事。中軍亦循循善誘。以八團錦。易筋經。少林點穴諸法。次第授之。公本學具匡略。逾三年。乃大進。盡得其秘。



拋石成球

蔣氏爲虞山大族。族中有渾名二麻者。公族姪也。幼失怙恃。性強悍。有力。家貧。一身燒然。遂入下流。日與市井伍。輾轉而入青襪黨。黨名云者。蓋卽隸於青幫旗幟之下。而黨徒均穿青襪之謂也。二麻自負膂力過人。益恃黨橫行。聚徒縱賭。金錢揮霍如糞土。不數年。家產蕩然。落魄江湖。流徙揚州。適囊資羞澀。行且告罄。計無所出。乃聞蔣公館於揚州。乃過訪。門者導入。以姪禮見。并告旅况。求助資斧。公慨然諾。出青蚨三千。且曰。此茈茈者。聊供川資耳。速返。毋淹留。時二麻猶心鄙其寡。請益增。公不許。二麻面作不愉色。公對曰。汝負英名。今庭前有廣場。場上大石。能爲我舉乎。固試。若舉。再貸汝十千。未晚也。二麻欣然出。見石高丈餘。廣三尺有半。成長方形。四週苔痕狼藉。斑斑

作金錢紋。一磬磬大石也。對石摩挲良久。努力舉之。顏盡赤。不稍動。退下不敢則一聲。公見狀。莞爾曰。易耳。飛足輕蹴之。石忽跳躍不已。成拋球狀。公面色不稍變。從容自若。顧謂二麻曰。如何。汝今無一薄技在身。尙能走遍大江南北耶。二麻驚其技之神也。大慚不置。不受而去。


小試擒拿

梅花嶺畔。坐擁皋比。已數易寒暑矣。既返。名心漸灰。壯志無成。一日友人某。勸之曰。秋闈已近。盍一試乎。公領之。於是雇驢一。束裝就道。自海虞至金陵。溯江而上。道路漫漫。在交通未便時。固甚不易也。一日傍晚。過丹陽。一鞭殘照。經山麓。山腰有寺。借宿焉。住持僧速入。歛之甚恭。是夜。月光皎潔。公偶步庭前。有小沙彌七八人。方習拳術。住





持僧旁立指導之。公凝視良久。僧謂公曰。徒輩畧習武事。幸爲指正。公曰。方丈幸毋過謙。談次。相將入方丈室。煮茗清談。時則山月半窗。殘燈一榻。久久乃寢。翌晨。寺中特來一僧。身修而癯。貌獐惡驚人。茶罷。住持設席宴客。席中兩僧互談拳術。娓娓不倦。公默而聽之。不置可否。酒半酣。住持謂獐僧曰。盍卽席一試乎。獐僧曰。善。擲杯起。演少林拳。左盤右旋。矯若遊龍。忽於第七路中。稍一不慎。竟誤。公微笑之。僧覺赧而止。悻然向公曰。小技獻醜。遺笑方家。竟大踏步而去。越日。公行矣。亭午。又值一山石壁峭立。旁有大松。公下驢倚松稍憩。因思獐僧一笑之怨。勢必報復。今隻身在道。防禦當慎。未幾。怪風陡起。松聲呼呼然。似有物從空中掠過。公心知有異。疾趨石壁下。背壁而立。忽一大石迎面來。公橫躍避之。連一石從當頭飛下。公不及避。以臂



擋之立墮。均不中。俄而怪風又起。一人自山躍下。公諦視之。卽獐僧也。僧舞雙刀。向公猛砍。公拾石子擲之。中刀。刀墮。公乃用擒拿法治之。僧筋骨皆酥。呆若木鷄。直立不動。公笑曰。惡禿服乎。僧垂涕乞憐。良久。公曰。大丈夫當虛己下人。謙恭受益。汝學得區區小技。便到處賣弄。寺中偶爾一笑。竟銜怨報復。可笑益復可鄙。雖然。遇我耳。否則喪爾手矣。論爾罪。當置之死地。但從此能痛戒前非乎。僧淚下如雨。謹答曰諾。公乃如法放之。再拜而去。

運氣如鐵

公性本孤介。舉孝廉後。不求仕宦。以爲榮。視功名利祿若敝屣耳。游幕數年。仍伏處家中。閉門謝客。惟日習練氣吐納諸法。不稍懈。晚年學成。筋骨如鐵。刀劍不傷。卽諸穴中。一經運氣。亦堅過於石。一日。數



鄉人來。鄉人亦富於膂力。公延之坐。欲一試己功。遽命數鄉人舉鎗向咽喉橫刺。已則倚壁直立。鄉人懼不敢刺。公曰。無傷也。乃刺如刺鐵石。堅硬絕倫。不禁呼奇。更用力猛刺之。槍尖反徐徐而折。良久無傷。公突然向前一撲。鎗落於下。墮地有聲。數鄉人應聲而仆。盡數丈外。蓋公已深得運氣術。全身刀鎗莫能入云。

墜入毛坑

邑北市中心。城中要道也。有筮欣賞者。以金石名於時。設肆於市梢。獲利倍徙焉。店主身胖而肥。雄糾無匹。有大力名。凡鏢客江湖之類。過其肆。索例規。不肯破一錢。然莫敢與之較者。於是對於鄉里亦惟力是逞。無故爲之欺侮者。時有所聞。一時鄉里爲之側目。顧都敢怒而不敢言。會蔣公微聞其事。嘆曰。我過大江南北。閱人多矣。雖獍僧之